

**Protocol no. 74**  
**Sezzüda da gövgia, als 22 avuost 2013      19.30 - 23.00**

**Preschaints:** Albert Mayer, Andri Poo, Men Caviezel, Dumeng Jann,  
Marianne Werro-Lehmann e Marco Fallet (protocol)

**Protocol**

Il protocol no. 73 da la sezzüda da marcurdi, als 14 avuost 2013 vain approvà.

**664 021                    FABRICA**  
**Jon Carl Rauch, ingrondimaint stalla da bescha a Crusch**

La cumischiuun da fabrica ha examinà la dumonda e tuotta documainta ais avantman. Sün proposta da la cumischiuun decid'il Cussagl da till'inoltrar in sen positiv a l'uffizi chantunal a Cuoirer pel proceder dal BAB.

**665 021                    FABRICA**  
**Chasa nouva d'abitar / dumonda da princip**

Il Cussagl ha survgni üna dumonda da princip per realisar üna chasa d'abitar. La lunghezza dal stabilimaint gniss a star fin 30m e be üna pitschna surfatscha da tuot l'object gniss utilisada per adöver da commerzi. El va in princip d'accord in chosa, prevezza però da trattar cul interessent sur d'üna soluziun per optimar l'apparentscha da l'object.

**666 942.503                Stabilimaints possess da finanzas**  
**Stabilimaint Posta**

Il Cussagl discuta la fatschenda manüdamaing. Sco prüm vain uossa firmà (26 avuost) il contrat da cumpra e vendita. Davo quai vain stipulà il contrat da vendita pel rest da l'object e lura segua la fundaziun da la società in condomini.

**667 020                    ADMINISTRAZIUN CUMÜNALA**  
**Controlla d'abitants / preschaint per nouvs abitants**

Il Cussagl ha survgni la proposta pel aquist d'un preschaint chi pudess gnir surdat a persunas chi piglian nouv domicil in nos cumün. In vist'al fat, ch'a quellas persunas vain fingià sport ün aperitiv da bivgnaint cun ün gir tras nos cumün decid'il Cussagl da desister da la surdatta d'un ulteriur preschaint.

**668 790.501                Projet planisaziun cumünala**  
**Concept da rait «Vernetzungskonzept» / plan directiv**

Davart da la PEB vain rendü attent, cha culla revisiun dal plan directiv regiunal ston eir gnir actualisadas las surfatschas da las terrassas. Las datas dal concept da rait sun bainquant plü actualas, uschè cha la PEB suottamett'in basa da quellas üna proposta d'actualisaziun. Il

Cussagl repassa la fatschenda e decida cha la PEB – pel plan directiv ed O. Menghini – pella revisiun da la planisaziun cumünala, dessan surtour las datas tenor concept da rait elavurà davart dal büro Arinas Environment SA, Zernez.

**669 101**

## **DIVERSAS SCHEFS**

### **Tabla da destinaziun pell'entrada dal lö**

Davart dal cumün da Scuol ais gönü respus a nossa dumonda. I vain decis da salvar üna visita oculara per destinar il lö il plü ideal. Davopro po gnir introdüt il proceder necessari.

### **Wolfgang Gertz / reclomaziun a regard molocs devant sia chasa d'abitar**

Il manzunà s'ha dostà in scrit pro'l Capo manzunond tuot la problematica ch'el ha culs molocs chi's rechattan be devant sia chasa d'abitar (emissiuns da savur e da canera caus'il vaider). Il Cussagl ais landervia d'examinar masüras per megladrar la situaziun.

**670**

## **ORIENTAZIUNS**

### **Classificazion da la forza fiscale dals cumüns grischuns pels ons 2014/2015**

Il Capo orientescha, cha la regenza ha classifichà da nouv ils cumüns grischuns tenor lur forza finanziaria. Nos cumün ais gönü classifichà nouv da la grappa da forza finanziaria 4 giò sulla grappa 3, dimena quai significh'ün amegldramaint, chi nu porta però be avantags.

#### **Positiv ais**

il fat chi demuossa ch'avant var 12 ons figüraiva nos cumün amo illa plü debla grappa da forza finanziaria, dimena illa 5avla. L'amortisaziun da debits dûrant ils ultims ons ha megliorà la situaziun.

#### **Negativ ais**

il fat chi's survain damain contribuziuns, pustüt eir pel sectur da la scoula (reducziun da 46% sün 37%). Co cha la differenzcha a regard las contribuziuns davart l'equalisaziun da finanzas as demuossarà nun ais hoz amo cuntschaint. Quistas virtüts ston in mincha cas gnir resguardadas i'l preventiv pro 2014.

### **Proget sanaziun via maistra Sent-Crusch / Tufera**

Il Capo orientescha, cha sül prossem lündeschdi (26 avuost) vain cumanzà cullas laviors da construcziun. I sto gnir fatta la publicaziun correspondentia illas chaistas. Il trafic vain svia sulla via sunteri - Spinatscha.

### **Proget sanaziun infrastructura a Davo Stron**

Il Cussagl decida da protramerter la documainta d'offertas sco seguia:

#### **Laviors sanitarias**

Ernest Vital, Sent  
Benderer Sarl, Sent  
Albert Mayer, Scuol  
Stecher SA, Scuol

#### **Laviors d'impressari**

Lazzarini SA, Scuol  
Koch SA, Ramosch  
Bezzola Denoth SA, Scuol  
Impraisa Mario Sarl, Ramosch

#### **Laviors da surfatscha**

Cellere, Sent  
Implenia  
HEW

### **Plazza da caluoster**

Il Cussagl discuta sur da la successiun da Gian Andri Albertini barmör. Quella lezcha dess gnir publichada.

L'actuar:  
Marco Fallet

Il Capo:  
Albert Mayer